

دائرة مخصوصه

در سعادتده باب عالی جوارنده

محل اداره :

مشرط قلم

اخطار :

مسلكمزه موافق آثار جديده مع المنونيه
قبول اولنور

درج ابدله بن آثار اعاده اولنور

ديره، فلسفه، علوم، حقوق، ادبياتده و سياستبانده و بالخاصه كرك سياسى و كرك اجتماعى و مدنى احوال و مشوره اسلاميه و ده بحث ايدر و هفته ده بر نشر از انور.

آبونه بدلى

سنه لى

التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۵	روبله
سائر ممالك اجنبيه	»	۱۷	۹	فرانق

صاحب و مؤسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

در سعادتده نسخه سى ۵۰ پاره در

قيرلهدن مقوا بورو ايله كوندريلىرسه سنوى

۲۰ غروش فضله آلنير

روسایه ، روسیه ایله تقریبه دلیل اوله بیله جک هر فکری ، کندلرندن اوزاق بولندریورلر .

روسیه مسلمانلری بونکله ده قالمیورلر ؛ نسلداش خرسیتیانلری تاتارلاشدیرمه یه و مسلمانلاشدیرمه یه صوک درجه غیرت ایدیورلر . اوچ سنه ایچنده قرق بیک خرسیتیانی حوزه اسلامه ادخال ایلدیلر . بونلری ترغیب ایچون ، « روسیه ایچنده قوی براسلام پادشاهلنی وجوده کله جک » دیه اشاعته بولنه حق قدر جرأت کوستریورلر .



آلمانیا - انکلتزه مناسباتی

و

اسلامیت

پروسیا مجلس مبعوثانی اعضاسندن (قوم رات) اخیراً موسیو آسقویت طرفندن ایراد اولان انشلافجویانه نطقندن و آلمانیا ایله انکلتزه آره سنده کی مناسباتدن بحث ایتدیکی صروده بو مناسباتده اسلامیتک نه کی بررول اوینادیغنی آتیده کی صورتده ایضاح ایتکده در : « داخلاً ضعیف بولان هر حکومتک یایدینی کی روسیه ایچون دخی کسب وسعت ایتک احتیاجی موجوددر . بوندن طولانی سیاستده شمدی یه قدر تعقیب ایتدیکی طریقندن بشقه بر طریق اختیار ایتسی لازمدر . نصل بر طریق اختیار ایده جکدر ؟ بو خصوصده انکلتزه نك پولتیقه سی اجرای تاثیر ایده جکدر .

بومسئله ده بالقان شبه جزیره سنک بر رول اوینایه جنی آشکاردر . شرقده ظهور ایده جک بر بحر ن انکلتزه پولتیقه سی ایچون پک نادر اوله رق عدم خشنودی بی موجب اولیور . یالکیزاشویقات لوندره دن ظهور ایتمه میلددر . چونکه بو تقدیرده مؤلفی فرانسه متضرر اولش اولور .

انکلتزه نك اسلامیه قارشى اولان موقعی بشقه برشکله کیرمشدر . دولت عثمانیه مشروطه زمان استبداده اولدینی کی سهولتله انتساج ایدیله بیله جک بر عنصر تشکیل ایتکده در . انکلتزه ایسه هندستانده کی اسلام تبعه سی ایچون خلافتک مظاهرتنه محتاجدر ، انکلتزه بونفوذک برده مصرده لزومی حس ایدیور . چونکه انکلتزه تکرار حیات کسب ایتکده اولان دولت اسلامیه التحاق آرزولرینی آنجق بو نفوذ ایله محو ایدیله جکدر .

انکلتزه پولتیقه سنک بواحتیاجی ، ربع عصردن بری غلادستوندن قالمه اولان و انکلتزه ایله باب عالی مناسباتنه اساس تشکیل ایدن « ترکردن تباعد » سیاستی ازاله ایتمشدر . عثمانلی انقلابی بو پولتیقه دن فراغت ایتکده مناسب بر سبب تشکیل ایتدی . مادر وطن مشروطیت اولان انکلتزه کنج ترکله قارشى عرض تمایلات ایتکده باشلادی . فقط بو دوستلق عثمانیلرده فکر اداره کسب قوت ایتدیکه ده آاز اظهار اولمغه باشلادی . انکلتزه نك مخالف اولدینی منافع اسلامیتک وحدتی ایسه کیتدیکه ده زیاده عیان اولدی . خلافتده انکلتزه نك خدمتده استخدام ایده میه جکی بر عضو حاله کیردی .

بوکون انکلتزه ایچون هر آرزوسنه روی رضا کوسترن برخلافت همان بر مسئله حیاتیه شکلی آلمش کیددر . انکلتزه نك آرزولرینی اجرادن امتناع ایدر ایسه انکلتزه نك مسلکینجه اوزمان دشمن عد ایدملی و محوینه جالش میلددر . انکلتزه نك دولت عثمانیه یه قارشى بوکونکی طور وحرکتی بومرکزده در .

صوک زمانلرده انکلتزه طرفندن خلافتی ده قوللانیشلی الله تودیع ایتکده تشبث ایدلمشدر . بونک ایچون خدیوک اجرای حج ایتسی موقع صحنه یه وضع اولمشدر . عینی سبدن طولانی امام یحیایک یمنده کی اجرا آتی انکلتزه طرفندن مظهر حمایه اولدی . بونلرک اجراسنده کی فکر ، اداره اصلاح ایدلمه مش اولان عربانی ده زیاده حائز انتظام بولان عثمانیلغه فائق قیلمق ایدی .

بو پلانده موفقیت حاصل اولسه ایدی ، عالم اسلامیتک اداره معنویه سی انکلتزه یه تابع الله دوشسه ایدی اوزمان انکلتزه اوروپا پولتیقه سنده ده زیاده شدتله حرکت ایده بیلر ایدی . بونک ایچون دولت عثمانیه نك دوچار ضعف ایدلمی انکلتزه پولتیقه سنده الزم کورولیور ؛ روسیه یه ترتب ایدن وظیفه ده بودر .

بو پک عاقلانه دوشونلش بر حسابدر . روسیه هنوز ژاپون محاربه سندن صوکره تمامیه اعاده قوت ایده مه مشدر . کچن قیش انناسنده صربستانک فدا ایدلمی شرقده کی عناصر خرسیتیانیه ده فنا بر تاثیر حاصل ایتمشدر . کریدده یونانستانک عدم موفقیتی ایسه بو تأثیری تقویه ایلشدر . پانسلاویزم بر موفقیت الله ایتک ایچون فرصت آرامقده در . بونک ایچون کنديسنه اک مساعد فرصتلی شرقده کورمکده در .

آوستریا حکومتی بوکون بالقانده ظهور ایده جک مناقشاته اسکینسندن ده آزلاقیدی ایله عطف نظر ایده بیلر . دولت عثمانیه نك متضرر اولمی و یاخود تقسیم ایدلمی آوستریانک مداخله سی اولدن هیچ بر زمان قابل اوله ماز . دولت عثمانیه نك دوام و بقاسنده آلمانیا نك پک زیاده منافعی واردر . ترکیه نك محوی وعینی زمانده انکلتزه نك تحت نفوذنده برخلافت تأسیسی انکلتزه - آلمانیا محاربه سی ایچون باشلیجه بر سبب تشکیل ایدر .

صوک زمانلرده باب عالینک اتفاق مثله داخل اولمشندن بحث ایدلدی . بو ظهورات روسیه نك اقضای شرقدن تباعد ایتمشندن حاصل اوله حق نتیجه لری و انکلتزه نك تعقیب ایتدیکی شرق پولتیقه سنک در سعادتده ایجه مطالعه ایدلمکده اولدینی اثبات ایتکده در .

آلمانیا ایله آوستریانک ، بالخاصه آلمانیا نك دولت عثمانیه ایچون روسیه ایله اختلاف چیقارمسی هیچ بر کیمسه خاطرینه بیله کتیرمز . منتظر اولان برشی وار ایسه اوده آلمانیا نك استقبالده قطعی بر صورتده و هیچ بر کیمسه نك ضررینی و یاخود فائده سنی موجب اولیه رق آوستریا ایله بر اولان کندی منافعتک امر ایتدیکی طریق اختیار ایلیددر . بوندن شرق پولتیقه سی ایچون نه کی نتایج حاصل اوله جنی معلومدر . شرقده آوستریا منافعی التزام ایتدیکنز حقنده بزه مکرراً

ونهایت الحاق زماننده وقوع بولان شکایتی بوضورتله هیچ حکمنده
قاله جقدر .

فرانسه حکومتی آلمانیه قارشى برانتهام محاربهسى آجوق فکرندن
فراغت ایتشدرد . آنک ایچون آلمانیا ایله آوستریانک تعقیب ایتدیکی
محافظه کار بر شرق پولتیقهسى ، روسیه ایله انکلترونک تعقیب ایتدیکی
سیاست مخربدن دها ایدرد . اوروپانک مرکزنده بولسان دولتلرک
حمایه ایتدیکی اسلامیت کنديسنه هر طرفده ضرر ایراث ایتدکجه ،
انکلترونک بزه التحاق ایتسی بک زیاده مشکل اوله جقدر .

هیچ شبهه یوقدرکه یقینده انکلترونک تعقیب ایتدیکی پولتیقه نك
نتایج وخیمهسى کره ارضك بر نقطه سندن باطلاق ویره جقدر . اوزمان
بلکه لوندرده دخی انکلترونک دولت معظمه سنك شکل حاضرینک آلمانیا
و آوستریا ایله مناسبات دوستانه ده بولنق صورتیه دها سهواتله تأمین
ایدیله بیله جکی آکلاشیله جقدر . بلکه بوزمان تقرب ایتشدرد . بزاکا
افکار صلح پرورانه پرورده ایدرک منتظر بولیسورز . بزم بکله مکه
وقتمز واردرد .



روسلرک بزه قارشو بسله دکاری حسلر

« روس دوستلرمز » ک بزه قارشو بسله دکاری تحسینات
مودت کاری بی بیلیمک ایچون روس مطبوعاتی اراسنده نماز بر موقع
صاحب بولنان « روسکی اسلووو » غزته سنك « جنوب ، حدود مزده »
سرلوحه سی ایله نشر ایتدیکی مقاله بی اوقوملری قارلر مزده توصیه ایدرز .
صاحب مقاله دییورکه :

بحر محیط کبیرده باشقه دولتلر ایله رقابت ایدمه جکمه قناعت حاصل
ایتدک . شمدی به قدر اقصای شرق ایچون صرف ایدلش ملبارلرله آقان قانلرک
نافله کیتدیکی معلوم اولدی .

یان طرفزده بولنان و دیرلیدی کوریلن ترک دولتی اسکی اقتدار حریبسی
کسب ایتسی امکان خارجنده دکلدرد . ایکی سنه ده عثمانلی بحریه سی اینانلاز
درجه اصلاح و تجدید ایدلدی ؛ صوک سیارشلی حاضر اولدقدن یعنی بوندن
۲۱ آی صوکره دولت عثمانیه نك قره دکزه چیقاره بیله جکی قوه بحریه بزه
هیچ یول ویرمیه جکدر ؛ بونلرک ۳۵۶ طوپنه قارشو بزم ۳۲۴ طوپمز
بولنه جقدر ؛ ساعتده ۲۱ میل یول آلان زرهیلرینه قارشو ساعتده ۱۶ میل
یول آلان بزم کیلر ایله مقابله ایدیه میه جکدر . خلاصه قره دکزه عثمانلیلر
حاکم اوله جقدر .

قره به کلنجه بلغاریایه قارشو بر اردو تعیین ایله عثمانلیلر بتون قوتلری
آناتولی جهتنه ، قافقاسیا حدودینه سوق ایدیه بیله جکلر . قره دکزه حاکم
وطربزون ، وان تیمور یولنه مالک اولدقلری کون روسیه نك جنوبی حدودلری
تهلکه ده بولنه جقدر .

کچن ۱۸۷۷ محاربه سنده قافقاسیا حدودنده بزه قارشو یالکز مختار
پاشانک اردوسی وار ایدی ؛ بتون عثمانلی قوتی روم ایلنده ایدی ؛ بو حالده
دخی مختار پاشا بزه بر قاچ غلبه چالوب عسکر منی حدود داخلنه قدر
سورمشدی . شمدی ایسه محمود شوکت پاشا بردکل ، بر قاچ بیوک اردویی بزه
قارشو صالیدره بیله جکدر . بو احتماللری خاطر دن چیقارماق لازمدر .

صراط مستقیم

روسلرک بزه قارشى کوستر دکاری شو تیقظ و احتیاط ، کوکل

ایسترکه روس محبتنه اینانانلر ایچون موجب عبرت وانتباه اولسون ...



مسلمانلرک ترقیاته قارشى

شون اسلام قسم مزده روسیه ده بر مسلمان بانقه سی تأسیس ایدیلیمک
اوزره اولدینی یازیلشدی . بوتصوردن ، روسیانک محافظه کار و ارتجاعی
غزته لری بک زیاده قوشقولا نمش وعلیه نه آتوب طوتمه یه باشلامشلردر .
ررس ارتجاعیونک بو کولونج حدتلری کورن ، قریمده کی « ترجان »
رفیقمز بوبابده بروجه آتی بیان مطالعات ایدیور :

« افندیلر ! بویازدقلر بک ندر ؟ پانریوتیزم می . یوقسه آلفوئولیزم می ؟
مکتب اصلاحندن خوشنمیورسکرز ، غزته نشر ایدیلور ، بکنمیورسکرز ؛
مکاتب اعدادیه و دارالفنون کیرنلر منی شبهه تحتنده بولندیریورسکرز ،
ملی ادبیات می مضر کوریورسکرز ؛ اقتصادی تشبیلر منی قره لامق استیورسکرز ...
آزه جق اولسون عییدن خبرکز یوقی ؟ »



ایران و روسیه

پارسده منتشر « سیه قل » ایران امورندن باحث بر مقاله سنده ،
شو مطالعه لری ایراد ایلور :

روسلرک ایراندکی حرکتلری ۱۹۰۹ حزیران ۳ ده ویردکلی وعده
مخالفدر . بوندن ایران ایله انکلترونک فرانسه مناسباتنه خیلی تأثیر حس اولیور .
بو حال دوام ایدرکن فرانسه دیپلوماتلری ایش کورمکدن عاجز قالیورلر .
ایرانی آلمانیا آغوشنه آتیورلر . قریباً ایراند اوله وقایع ظهور ایده جکدرکه
بوندن نه آوروپا ونه ده روسیه عنون قالمیه جقدردر . بزور اوزوف ایله آلکسیه یف
مانچوریاده نه به خدمت ایتدکلری آکلایه مامشردی . قورقولورکه روسیه لیلر
شمدی ایراند دخی نه یاپدقلرندن خبری اولماسون .



درنما جمعیت ملیه سی رئیس نفیر اندری حضرتلرینک نطقنره :
افندیلر ،

یالکر بارباروسلرک ، طور غودلرک مظفریاتیه مست اولورساق
مقصده وصول بوله میز . پروهزه اوکنده بارباروسلک اندر یادیوریایه
غلبه سنی تصور ایدرکن بز دولت تبعه سندن بر فردک آله جقنی تحصیل
ایچون مدلالی آطه سنی اشغال ایتدیکی وقتده خلیج جده کی خراب
کیلریمزک بیونلری بو کوک یاتدقلری ، اشقیانک تیغ ظلمندن حیاتلری
محافظه ایچون کیجه نك ظلمتندن بالاستفاده آغاج دیبلرینه صیغنان
بیچارکانی پروژکتورلرله اشقیایه اراشه ایدن دونمایه قارشى بو ملت
معظه بی آلداتمق ایچون قونفیده واپورینه طاغ طوبی قویه رق بیوک
لیمانه کوندردکلری مذلت و مسکنت زمانمزی ده تفکر ایدلم . اگر
او علویت زمانمزه بو مذلت زمانمزی مقایسه ایتیه جک اولورساق
اوحالده مقصد مزه واصل اوله میز . تاریخلر بک کوزل کوسترلرکه
هانکی ملت که چوق فلاکت کورمشدرد ، اگر او فلاکتدن متنبه
اولدیه او ملتلر ترقی ایتشدرد . یالکز دوناما جمعیتله ده ایش بیتمز ،
وظنمز باشلیجه معارف ، زراعت ، صنایع کی فیوضاته محتاجدر .
بناء علیه جناب حق جمله منی توفیقاته مظهر بیورسون آمین .

